

SCRIPT OF EVENING GOJRI NEWS BULLETIN 29OCT 1700 HRS

ایونینگ گو جری نیوز بلیٹن مورخہ 29 اکتوبر 2025

یوہ آکا شوانی جموں ہے عبدالرحمان تے نصرت چوہدری تیں خبر سُنو۔

HEADLINES

- ۱۔ وزیر اعلیٰ عمر عبداللہ نے حلقہ ترقیاتی فنڈ یعنی سی ڈی ایف رہنما اصولاں مانہ ترمیمیں غو اعلان کیو ہے عوامی پہلانی بہتری غا کماں واسطے ارکان اسمبلی نانہ زیادہ اختیارات دتا ہیں۔
- ۲۔ دیہی ترقی تے پنچائتی راج غا وزیر جاوید احمد ڈار نے جموں کشمیر پنچائتی راج تے امداد باہمی سو سائنٹیاں مانہ ترمیمی بل اسمبلی مانہ پیش کیو۔
- ۳۔ پنچ رکنی اعلیٰ سطحی مرکزی ٹیم نے کشتواڑ غو دورو کیو ہے تانجے اڑان سکیم غے تحت ہوائی اڈہ غا منصوبہ غو جائیزو لیو جاسکے۔
- ۴۔ ریاسی سٹیشن ور وندے بھارت ریل گڈی غی روک مقرر ہوئی اس سنگ جموں خطہ مانہ سیاحت نانہ فروغ ملے غو۔
- ۵۔ دربار بدل غے پیش نظر پہلی تے دوجی نومبر نانہ سرینگر تیں جموں در قومی شاہراہ ور صرف ایک طرفہ ٹریفک غی اجازت وے غی۔

CM CDF

وزیر اعلیٰ عمر عبداللہ نے اج اسمبلی نانہ مطلع کیو ہے حلقہ ترقیاتی فنڈ یعنی سی ڈی ایف غا رہنما اصولاں مانہ عوامی مطالبات نانہ بہتر طریقہ سنگ پورا کرن واسطے ترمیم کی گئی ہے بجلی غا بنیادی ٹھانچہ تے شمسی روشنی گا منصوباں ور عائد حد نانہ ختم کردتو کیو ہے جس سنگ قانون سازاں نانہ بغیر کسے بالائی حد غے مزید ایسا منصوبہ شروع کرن غی اجازت مل گئی ہے ہون نواں قابل اجازت کماں مانہ سکول وین یا بساں غی خدیجاری صحت گا آلات جس طرح کہ پہلے دار کُرسی ٹرائی سائیکل ای سکوٹی تے گشتی پانی آلا ٹینکر شامل ہیں مزید حالیہ سیلاباں غے پیش نظر ممبران اسمبلی نانہ ایک بار واسطے 50 لکھ روپیاں تک گا سی ڈی ایف فنڈ سنگ مکانات غی تعمیر تے مرمت واسطے نرمی دتی گئی ہے اس موقع ور بولتا واں وزیر اعلیٰ نے اس طرح کہیو۔

DAR BILLS

دیہی ترقی تے پنچائتی راج غا وزیر جاوید احمد ڈار نے اج یعنی بدھوار غے دن جموں کشمیر قانون ساز اسمبلی مانہ 2 اہم بل پیش کیا پہلو بل جموں کشمیر پنچائتی راج ایکٹ 1989 قانون ساز بل نمبر 5 بائٹ 2025 مانہ ترمیم غے متعلق ہے جد کہ دوجو بل جموں کشمیر امداد باہمی سو سائنٹیز ایکٹ 1989 قانون ساز بل نمبر 7 بائٹ 2025 مانہ ترمیم غو مقصد رکھے بل پیش کرتا واں وزیر موصوف جاوید احمد دار نے دسیو کہ دوائے بل سرکاری گیزیٹ غا ایک خصوصی شمارہ مانہ پہلاں ہی شائع کیا جا چکا ہیں یوہ قدم مرکزی خطہ مانہ مقامی طرز حکمرانی تے امداد باہمی اداراں نانہ مضبوط بنان واسطے چایو کیو ہے۔

BOLLYWOOD ACTOR

مشہور بالی ووڈ اداکار مکیش ریشی نے آج جموں کشمیر قانون ساز اسمبلی مانہ خصوصی شرکت کی وے سپیکر غی گیلری مانہ سوال و جواب کا وقفہ غے وقت پُجا جت سپیکر عبدالرحیم راتھر نے اُن غو گرمجوشی سنگ استقبال کیو تے 2 سو تیں زیادہ فلماں مانہ اُن غی کارکردگی نانہ سرابتاں واں اُنہاں نانہ اسے تربتی غو سپوت قرار دتو قانون سازاں تے افسراں نے اُن کا اس دورہ نانہ سرا بیو جہڑو اسمبلی غی کاروائیاں غو ایک یادگار لمحو بن گیو ہے۔ ذرائع ابلاغ سنگ گل بات کرتا واں بالی ووڈ اداکار مکیش ریشی نے اپنا خیالات غو اظہار اس طرح کہیو۔

KISHTWAR AIRPORT

شہری ہوا بازی غی وزارت تے بھارتی ہوائی اڈہ اتھارٹی غی 5 رکنی اعلیٰ سطحی ٹیم نے کشتواڑ غو دورو کیو تانجے اُدان سکیم غے تحت مجوزہ ہوائی اڈہ غی جگہ غو جائیزو لیو جاسکے 2 روزہ دورہ غو مقصد منصوبہ غی ممکنہ صلاحیت تے ضروری ڈھانچہ غو جائیزو لینو ہے۔ دہلی واپسی ور ٹیم اپنی رپوٹ اعلیٰ حکام نانہ سونپے غا جس تیں بعد اگلا اقدامات طے کیا جیں گا۔ اسی دوران کشتواڑ غا لوکاں نے وزیر اعظم نریندر مودی تے مرکزی وزیر ڈاکٹر جتندر سنگھ غو شکریو ادا کیو کیونجے اُن غی کوششاں تیں یوہ پروجیکٹ حقیقت غے قریب پُج گیو ہے آکاشوانی غا خبراں آلا شعوبہ سنگ گل کرتا واں ایک مقامی ششی بڈیال نے اس طرح کہیو۔

NEW REASI HALT

علاقائی رابطہ نانہ مضبوط کرن واسطے کٹرا سری نگر وندے بھارت ایکسپریس بُن ریاسی ریلوے سٹیشن ور وی رُکے غی۔ یوہ فیصلو آج تیں تجرباتی بُنیاد ور نافز کیو گیو ہے جس تیں مقامی لوکاں تے سیاحاں مانہ خوشی دیکھی جارہی ہے ریاسی جہڑو سری ماتا ویشنو دیوی ، شیس کھوڑی تے بہیم گڑھ قلعہ جیسی جگہاں غو دروازو ہے بُن جموں کشمیر غا دوجا حصاں تیں جلد رابطہ مانہ رے غو۔ مقامی لوکاں تے کاروباریاں نے ریلوے حکام تے مرکزی حکومت غو شکریو ادا کیو۔ افسراں غو کہنو ہے کہ یے نوا سٹارٹ اپس سیاحت نانہ بدھان یا تریاں گا سفر نانہ آسان بنان تے علاقہ غی معشیت نانہ مضبوط کرے غو۔ آکاشوانی کا خبراں آلا شعوبہ سنگ گل کرتا واں اچت سنگل جہیرا جموں ڈویزن گا سنئیر ڈویزنل کمرشل منیجر ہیں نے اس بارے اس طرح کہیو۔

TRAFFIC RESTRICTIONS

جموں کشمیر ٹریفک پولیس نے دربار بدل غے پیش نظر 1 تے 2 نومبر نانہ جموں سرینگر قومی شاہراہ ور ٹریفک غی عارضی پابندی لائی ہیں ان 2 دنان مانہ صرف سرینگر تیں جموں درگڈیاں نانہ جان غی اجازت وے غی تانجے سرکاری قافلہ تے ریکارڈ غا نقل و حمل مانہ آسانی ہوسکے جموں تیں سرینگر در کسی وی گڈی تے سرکاری قافلہ ناہ چلن غی اجازت نی ہے۔ سرینگر ، رام بن ، ادھمپور تے جموں گا ٹریفک کنٹرول روم 24 سو گھنٹہ کم کریں غا۔ یوہ قدم دربار بدل غے دوران ٹریفک جام تیں بچن تے ہموار نقل و حمل نانہ بنان واسطے چایو گیو ہے ڈرائیوراں نانہ مشورو دتو گیو ہے کہ اپنا سفر نانہ پہلاں تیں طے کریں۔

CHAKAN DA BAGH

پونچھ مانہہ واقع چکان دا باغ تجارتی مرکز جہڑو کدے بھارت تے پاکستان غے بشکار کنٹرول لائن غے پار تجارت غو ایک اہم مرکز تھو ہون ایک ممکنہ سیاحتی مقام غے طور ور توجہ حاصل کر رہیو ہے پانویں اس وقت بھارت تے پاکستان غے بشکار تجارت فعال نہیں ہے لیکن مقامی باشندہ تے سیلانی اس مرکز نانہہ ایک عوامی پارک یا عجائب گھر مانہہ تبدیلی کرن غی تجویز دے رہیا ہیں تانجے اس غی تاریخی اہمیت نانہہ فروغ دتو جاسکے یوہ مرکز ماضی مانہہ بھارت تے پاکستان غے زیر قبضہ جموں کشمیر غے بشکار اشیاء غا تبادلہ نانہہ آسان بناوے تھو مقامی دیہاتیاں نانہہ امید ہے جے حکام اس تاریخی یاد گار نانہہ محفوظ رکھیں گا تے اس نانہہ کمیونٹی و برادری واسطے ایک نویں متحرک شناخت دینگا آکاشوانی نیوز سنگ گل بات کرتا واں ایک مقامی باشندہ نے اپنا خیالات غو اظہار اس طرح کہیو۔

KALA UTSAV

فن تے ثقافت نانہہ فروغ دین واسطے ڈپٹی کمشنر ڈوڈہ پرویندر سنگھ نے 35 ہونہار طلبہ غا ایک گروپ نانہہ 2 روزہ ڈویژنل سطح کلا اُتسو واسطے روانہ کیو جہڑو پلکیں جموں مانہہ منعقد وے غو۔ یے طلبہ ضلع سطح غا مقابلان مانہہ اپنی شائداد کارکردگی غی بُنیاد ور مُنتخب کیا گیا ہیں تے ضلع غا مختلف تعلیمی زون غی نمائندگی کریں گا۔ جھنڈی دسن غی تقریب مانہہ اعلیٰ تعلیم افسر تے سننیر افسران وی موجود تھا۔ ڈپٹی کمشنر نے طلبہ غی حوصلہ افزائی کرتا واں کہیو کہ اُنہاں نانہہ یقین ہے کہ یے بچہ ڈوڈہ گو ناں روشن کریں گا۔ آکاشوانی غا خبراں آلا شعوبہ سنگ گل کرتا واں ایک طالب علم نے اس طرح کہیو۔ اسی دوران ڈی سی، ڈوڈہ نے اس بارے اس طرح کہیو۔

PROG ANN

ریجنل نیوز یونٹ آکاشوانی جموں غی طرفوں آئیندہ 30 اکتوبر نانہہ 25 منٹاں ور مبنی سوچھتا بھارت مشن گرانیں غا موضوع ور خصوصی گل بات غو اک پروگرام نشر کیو جائیگو یوہ پروگرام سوچھتا پکھواڑا سال 2025 غا اختتامی موقع ور نشر کیو جائیگو یوہ پروگرام 30 اکتوبر دوپہر 12 بجے نشر کیو جائیگو اس پروگرام مانہہ مارا خصوصی مہمان زبیر اباس بھٹ جہیرا ڈپٹی ڈائریکٹر محکمہ رورل سینیٹیشن جموں ویں گا جد کہ پروگرام مانہہ میزبانی غا فرائض شروتی کھجوریہ انجام دیں غی یوہ پروگرام آکاشوانی نیوز جموں تیں میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُنیو جاسکے گو۔
